



Bosnia and Herzegovina
Federation of Bosnia and Herzegovina

CANTON SARAJEVO
Ministry of Traffic

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije Bosne i Hercegovine“, br. 12/03, 34/03, 65/13), čl. 22. stav (2) i 23. Zakona o državnoj službi u Kantonu Sarajevo („Sl. novine Kantona Sarajevo“, br. 31/16 i 45/19), a u vezi sa članom 4. stav (1) Odluke o standardima i kriterijima za imenovanje lica koja nisu državni službenici u organima državne službe Kantona Sarajevo („Sl. novine Kantona Sarajevo“, broj: 10/17) ministar saobraćaja Kantona Sarajevo objavljuje

JAVNI KONKURS ZA IZBOR I IMENOVANJE DIREKTORA DIREKCIJE ZA PUTEVE – MINISTARSTVO SAOBRAĆAJA KANTONA SARAJEVO

I Direktor Direkcije za puteve - Ministarstvo saobraćaja Kantona Sarajevo

Opis poslova i radnih zadataka

Direktor neposredno rukovodi Direkcijom za puteve, kao upravnom organizacijom u sastavu Ministarstva, organizuje vršenje poslova iz nadležnosti Direkcije, predstavlja i zastupa Direkciju u granicama ovlaštenja koja su mu zakonom i drugim propisima stavljena u nadležnost, utvrđuje prijedloge poslova i zadataka iz djelokruga rada Direkcije za godišnji program i plan rada Ministarstva, obezbjeđuje zakonito, blagovremeno i stručno vršenje poslova i zadataka u Direkciji, utvrđuje prijedloge izvještaja o radu Ministarstva iz djelokruga Direkcije, donosi i potpisuje stručne i druge akte u izvršavanju poslova i zadataka iz djelokruga Direkcije, osim akata koje potpisuje ministar, vrši nadzor nad radom i pruža stručnu pomoć zaposlenicima, stara se o blagovremenosti u radu upravnih predmeta i vođenja potrebnih evidencija, organizuje i unapređuje metode rada, vrši druge poslove po nalogu ministra, za svoj rad odgovara ministru i vladi Kantona Sarajevo.

U obavljanju poslova koji su u opisu ovog radnog mjesta obavezan je da primjenjuje Politiku kvaliteta Kantona Sarajevo, te prati i primjenjuje sve usvojene procedure vezane za sistem upravljanja kvalitetom prema zahtjevima standarda ISO 9001.

II Opći uslovi koje kandidati moraju ispunjavati:

- da je državljanin Bosne i Hercegovine,
- da je stariji od 18 godina,
- da ima univerzitetsku diplomu ili akademske kvalifikacije najmanje VII stepena stručne spreme, odnosno visoko obrazovanje prvog, drugog ili trećeg ciklusa Bolonjskog sistema studiranja,
- da je zdravstveno sposoban za obavljanje poslova predviđenih za ovu poziciju,
- da nije otpušten iz državne službe kao rezultat disciplinske mjere na bilo kojem nivou vlasti u Bosni i Hercegovini u periodu od tri godine od dana objavljivanja upražnjene pozicije,
- da se na kandidata ne odnosi član IX.1. Ustava Bosne i Hercegovine,
- da ne obavlja ni jednu javnu funkciju u smislu čl. 2. tačka c) i 5. Zakona o prevenciji i suzbijanju korupcije u Kantonu Sarajevo ("Službene novine Kantona Sarajevo", br. 35/22, 44/22 i 55/22).



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-058, + 387 (0) 33 562-059
Web: <http://ms.ks.gov.ba>, E-mail: ms@ms.ks.gov.ba

III Posebni uslovi koje kandidati moraju ispunjavati:

- Stečena diploma visokog obrazovanja ili druge obrazovne ili akademske kvalifikacije najmanje VII stepen stručne spreme, odnosno visoko obrazovanje prvog ciklusa Bolonjskog sistema studiranja koji se vrednuje sa 240 ECTS studijskih bodova ili drugog ili trećeg ciklusa Bolonjskog sistema studiranja pravne struke ili završen građevinski fakultet ili ekonomski fakultet ili fakultet za saobraćaj,
- najmanje pet godina radnog staža u struci nakon završene visoke stručne spreme,
- da nije ranije osuđivan za krivično djelo .

Prilikom procjene kvalifikacije i iskustva u obzir će se uzeti i sljedeći kriteriji:

- rezultati ostvareni u dosadašnjem radu,
- sposobnost upravljanja materijalnim i ljudskim resursima,
- komunikacijske i organizacijske sposobnosti.

Uz prijavu na konkurs kandidati su dužni priložiti original ili ovjerene kopije traženih dokumenata:

- kraću biografiju, adresu stanovanja i kontakt telefon,
- uvjerenje o državljanstvu Bosne i Hercegovine (ne starije od 6 mjeseci),
- izvod iz matične knjige rođenih,
- univerzitetsku diplomu ili druge obrazovne ili akademske kvalifikacije najmanje VII stepena - stručne spreme, odnosno visoko obrazovanje prvog, drugog ili trećeg ciklusa bolonjskog sistema studiranja,
- uvjerenje/potvrda o radnom stažu (potpisanu i ovjerenu od poslodavca),
- izjavu kandidata da nije otpušten iz državne službe kao rezultat disciplinske mjere na bilo kojem nivou vlasti u Bosni i Hercegovini u periodu od tri godine od dana objavljivanja upražnjene pozicije, ovjerenu od strane nadležnog organa,
- izjavu da se na kandidata ne odnosi član IX.Ustava Bosne i Hercegovine, ovjerenu od strane nadležnog organa,
- izjavu da nije ranije osuđivan za krivično djelo, ovjerenu od strane nadležnog organa.

Napomene:

- Prije imenovanja na predviđenu poziciju, predloženi kandidat dužan je dostaviti uvjerenje o radnoj sposobnosti (ljekarsko uvjerenje), kao dokaz da je zdravstveno sposoban za obavljanje poslova određenih ovom pozicijom.
- Dokaz neosuđivanosti pribavlja organ imenovanja po službenoj dužnosti prije imenovanja kandidata na predviđenu poziciju.
- Za provođenje konkursne procedure ministar saobraćaja imenuje Komisiju za izbor.
- Javni konkurs provodi se u skladu sa odredbama Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije Bosne i Hercegovine“, br.12/03, 34/03 i 65/13), Zakona o državnoj službi u Kantonu Sarajevo („Sl.novine Kantona Sarajevo“, br. 31/16 i 45/19) i Odluke o standardima i kriterijima za imenovanje lica koja nisu državni službenici u organima državne službe Kantona Sarajevo („Službene novine Kantona Sarajevo“, broj:10/17).
- Direktor Direkcije za puteve se imenuje na mandatni period od pet godina, uz mogućnost ponovnog imenovanja u skladu sa članom 27. stav (2) Zakona o državnoj službi u Kantonu Sarajevo.

Prijave sa traženim dokumentima dostavljaju se lično ili poštom preporučeno, sa naznakom:



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-058, + 387 (0) 33 562-059
Web: <http://ms.ks.gov.ba>, E-mail: ms@ms.ks.gov.ba

„PRIJAVA NA JAVNI KONKURS ZA IZBOR I IMENOVANJE DIREKTORA DIREKCIJE ZA PUTEVE - NE OTVARATI“.

na adresu:

Ministarstvo saobraćaja Kantona Sarajevo, Komisija za izbor, ulica Reisa Džemaludina Čauševića 1, Sarajevo, prizemlje.

Na poledini koverta navesti ime i prezime podnosioca prijave, adresu i kontakt telefon.

Ostale napomene

Konkurs će se objaviti u „Službenim novinama Federacije Bosne i Hercegovine”, dnevnim novinama „Dnevni avaz” kao i na web stranici Ministarstva saobraćaja Kantona Sarajevo.

Konkurs ostaje otvoren 15 dana od dana objavljivanja.

Nepotpune i neblagovremene prijave neće biti razmatrane.

Kandidati koji budu pozvani na intervju dužni su dati podatke o ranijim i neposrednim rukovodiocima, od kojih se mogu dobiti preporuke i informacije o kandidatima.

Obrasci propisani Zakonomo o ministarskim, vladinim i drugim imenovanjima Federacije Bosne i Hercegovine, će se popuniti neposredno prilikom intervjuja.

Sve informacije u toku postupka kandidovanja su transparentne, osim ako informacije o podnosiocima prijave nisu povjerljive u smislu Zakona o zaštiti ličnih podataka („Službeni glasnik BiH“, br. 49/06, 76/11 i 89/11).

Broj:04-04-44960/23

Sarajevo, 13.11.2023. godine



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-058, + 387 (0) 33 562-059
Web: <http://ms.ks.gov.ba>, E-mail: ms@ms.ks.gov.ba